

## **Delusion pe universitât**

Inte classifiche dai ateneus scrite de Agjenzie di valutazion de ricercje (Anvur) la Universitât di Udin si è plaçade tal otâf puest e duncje si spietave di vê, cemût che al jere stât prometût, un finanziament zontât di passe un milion di euros. I bêçs a jerin contignûts intun fonts di 41 milions di euros destinât dal ministeri a sostigni i ateneus plui virtuôs. Inte conversion in leç dal decret su la scuele, però, la Cjamare e à cancelât il finanziament.